



Provider Hub Daim Ntawv Xov Xwm | Lub Rau Hli 2026

Tsab ntawv no tau xa mus rau cov neeg uas tau cuv npe txais Provider Hub tsab ntawv xov xwm. Yog tias muaj ib tug neeg xa tsab ntawv no rau koj, peb txhawb kom koj [cuv npe kom tau txais ncaj qha](#).

Zoo siab uas yog lub caij ntuj sov lawm! Nov yog koj tsab ntawv xov xwm txog Provider Hub rau lub Rau Hli ntuj, luam tawm los ntawm Lub Xeev Minnesota. Haujv tsab ntawv no, koj yuav pom:

- Cov ntsiab lus hais txog cov kev hloov kho rau Enrollment & Attendance (E&A) hauv Provider Hub
- Kev caw tuaj koom design research (kev tshawb fawb txog kev tsim qauv)
- Cov lus qhia rau cov chaw zov me nyuam txog kev thov hloov kho lawv lub program
- ... thiab ntau yam ntxiv!

Xov xwm tseem ceeb

Kev hloov kho rau Enrollment & Attendance hauv Provider Hub los txhawb kom cov provider zov me nyuam uas tau cuv npe nrog Child Care Assistance Program muaj kev siv dav dua

Nyob rau lub Rau Hli no, Lub Xeev Minnesota tau hloov kho Enrollment & Attendance (E&A) hauv Provider Hub kom cov neeg siv tau yooj yim dua thiab kom qhov hauj lwm no ua tau raws li cov kev cai ntawm Child Care Assistance Program (CCAP).

Yam peb tau hloov kho

Peb tau ntxiv cov chaw sau ntaub ntawv tshiab rau **child care management system (CCMS)** integration thiab cov kev xaiv **import attendance** kom ceev tau tus neeg uas sau cov sij hawm thaum coj me nyuam tuaj thiab thaum tos me nyuam rau hauv qhov system.

Peb kuj tau hloov kho txoj kev **import attendance information**. Nrog txoj kev xaiv no, cov provider zov me nyuam tam sim no tuaj yeem:

- Sau tau ntau lub sij hawm tuaj thiab tawm rau ib tug me nyuam nyob rau tib hnuv (xws li yog ib tug me nyuam tuaj rau qhov chaw zov me nyuam ua ntej thiab tom qab tsev kawm ntawv)
- Upload tau ib daim .CSV file uas loj dua qub, vim qhov txwv ntawm qhov loj ntawm daim file tau raug nce ntxiv lawm.
- Nrhiav thiab kho tau cov ntaub ntawv sau yuam kev hauv daim qauv (template) yooj yim dua
- Upload tau cov ntaub ntawv txog tus me nyuam, tus neeg saib xyuas, thiab kev tuaj koom rau hauv tib daim .CSV file
- Sau tau cov sij hawm tiag tiag (tsis yog tsuas sau tau raws li txhua 15 nas this xwb)

Enrollment & Attendance ua hauj lwm li cas

Enrollment & Attendance (E&A) muaj nyob siv rau cov chaw zov me nyuam.

Nws muaj peb txoj kev xaiv los sau cov ntaub ntawv cuv npe thiab kev tuaj koom hauv Provider Hub rau cov me nyuam nyob hauv koj lub program:

Kiosk

Cov niam txiv los sis lwm tus neeg laus uas tau kev tso cai siv qhov Provider Hub Enrollment & Attendance kiosk ntawm ib lub xov tooj, tablet, los sis computer uas tus provider npaj tseg los teev thaum lawv coj lawv cov me nyuam tuaj thiab thaum lawv tuaj tos lawv cov me nyuam hauv lub program. Qhov no yog ib txoj kev xaiv pub dawb uas zoo ib yam li cov systems ntiag tug uas siv los teev kev tuaj koom.

Import cov ntaub ntawv rau kev tuaj koom

Cov program zov me nyuam uas siv qhov child care management system (CCMS) uas tseem tsis tau txuas nrog Provider Hub thiab tsis xav siv qhov kev xaiv kiosk tuaj yeem sau thiab upload lawv cov ntaub ntawv txog tus me nyuam, tus neeg saib xyuas, thiab kev tuaj koom rau hauv ib daim spreadsheet .CSV file.

Kev txuas nrog child care management system (CCMS)

Cov program zov me nyuam uas siv qee cov systems ntiag tug los teev kev tuaj koom tuaj yeem teeb kom lawv cov ntaub ntawv rau kev tuaj koom raug xa ncaj qha los ntawm qhov system ntawd mus rau Provider Hub E&A.

Tam sim no, Arux, Brightwheel, thiab Daily Connect txuas tau nrog Provider Hub. Department of Children, Youth, and Families (DCYF) tab tom ua hauj lwm ntxiv kom txuas tau nrog ntau lwm cov tuam txhab uas muab CCMS.

Qee cov provider hauv Child Care Assistance Program yuav tsum teev kev tuaj koom hauv electronic

Txij hnuv tim 22 lub Rau Hli 2026, qee cov provider uas tau txais nyiaj them los ntawm Child Care Assistance Program (CCAP) yuav tsum siv Provider Hub Enrollment & Attendance (E&A) los qhia cov ntaub ntawv txog kev tuaj koom ntawm cov me nyuam rau Department of Children, Youth, and

Families (DCYF). Thaum lub Peb Hlis 2026, DCYF twb tau xa ib tsab ntawv ceeb toom 90 hnuv ua ntej rau cov provider zov me nyuam no kom lawv paub txog qhov kev cai no.

Thaum kawg, tag nrho cov provider uas tau txais nyiaj them los ntawm CCAP yuav tsum qhia cov ntaub ntawv kev tuaj koom hauv Provider Hub. Txawm li ntawd los, yog tias koj tsis tau txais ib tsab ntawv ceeb toom xa tuaj los ntawm DCYF, ces koj tsis nyob hauv thawj pab provider uas yuav tsum ua raws li qhov kev cai no ua ntej hnuv tim 22 lub Rau Hli 2026.


Peb txoj kev xaiv hauv Provider Hub E&A — kiosk, import attendance, thiab CCMS integration — muaj rau cov chaw zov me nyuam siv los xa lawv cov ntaub ntawv kev tuaj koom mus rau DCYF raws li CCAP cov kev cai.

Yog xav paub ntau ntxiv, mus saib [New Electronic Attendance Record Requirement | Minnesota Engage DCYF](#).

[Rov qab mus saud](#)

Cuv npe los koom muab tswv yim thiab kev tshawb fawb txog kev tsim qauv (design research)

Koj puas yog ib tug provider uas tam sim no siv los sis yuav siv Provider Hub? Koj puas xav qhia txog koj cov kev paub siv Provider Hub? Sau [daim ntawv no](#) kom qhia rau peb paub.



Pab pawg Provider Hub nquag ua kev tshawb fawb thiab sim ntau yam nrog cov provider (hu ua design research). Peb siv cov tswv yim uas peb tau txais los txuas ntxiv tsim thiab txhim kho qhov cuab yeej online no.

Hauv design research, tsis muaj ib lo lus teb twg uas yuav txhais tias yog yuam kev: “Qhov no tsis yog los ntsuas koj; nws yog los ntsuas Provider Hub xwb.”

Tom qab koj sau tiav [Daim Ntawv Xav Pab Qhia Tswv Yim Txog Provider Hub](#), koj lub npe thiab cov ntaub ntawv tiv tauj yuav raug ntxiv rau hauv ib daim ntawv teev npe. Pab pawg Provider Hub mam li siv daim ntawv teev npe no los tiv tauj cov provider thaum muaj kev tshawb fawb txog kev tsim qauv (design research) tshiab los sis thaum xav tau cov provider los koom tes.

Daim ntawv yuav nug txog qee cov ntaub ntawv txog koj lub program thiab hom kev tshawb fawb txog kev tsim qauv uas tej zaum koj xav koom nrog, xws li cov ntawv nug, kev xam phaj, thiab cov rooj sib tham txog tswv yim. Qhov no yuav pab peb txuas cov provider nrog cov kev muab tswv yim thiab kev tshawb fawb uas haum rau lawv.

Ua tsaug rau koj lub sij hawm thiab tswv yim!

[Rov qab mus saud](#)

Cov lus qhia txog Provider Hub

Ceev cia koj cov ntawv tso cai kom nrhiav tau yooj yim rau lwm zaus

Puas xav tau kev ceeb toom txog yuav teb li cas rau ib qho hauj lwm hauv Provider Hub uas koj tus neeg saib xyuas daim ntawv tso cai tau xa tuaj? Tsis paub meej tias yuav siv hom kev thov hloov kho twg? Xav tau kev pab kom koj cov neeg ua hauj lwm nkag tau rau hauv Provider Hub los pab tswj koj daim ntawv tso cai?



Nrhiav cov lus qhia ua ib kauj ruam zuj zus rau cov dej num no thiab lwm yam nyob hauv koj qhov **learning library**.

Learning library yog dab tsi?

Qhov learning library khaws tag nrho cov ntaub ntawv uas pab koj tswj koj daim ntawv tso cai thiab daim ntawv pov thawj hauv Provider Hub rau hauv tib qho chaw.

Txhua hom program uas siv Provider Hub rau daim ntawv tso cai thiab daim ntawv pov thawj nyias muaj nyias ib qho learning library tshwj xeeb — cov chaw zov me nyuam uas muaj daim ntawv tso cai, cov chaw zov me nyuam uas tau daim ntawv pov thawj, thiab cov koom haum EIDBI.

Thaum koj nkag mus rau hauv Provider Hub, koj tuaj yeem tshawb nrhiav cov tshooj lus nyob hauv Help & Resources.



Txawm li ntawd los, qhov kev tshawb nrhiav tseem ua hauj lwm tsis tau zoo raws li peb xav tau — tej zaum nws yuav nyuaj nrhiav kom tau cov ntaub ntawv uas koj xav tau. Yog li ntawd, peb tau tsim learning library los pab kom nrhiav tau cov ntaub ntawv thiab kev pab uas koj xav tau kom yooj yim dua.

Txhua tus siv tau qhov learning library thiab cov ntaub ntawv uas muaj nyob hauv thiab — tsis tas yuav muaj ib tug Provider Hub account.


Kuv yuav siv learning library li cas?

Ua ntej, qhib qhov learning library uas yog rau koj hom ntawv tso cai:


- [Certified Child Care Centers | Certification Learning Library](#)
- [EIDBI | Licensing Learning Library](#)
- [Licensed Child Care Centers | Licensing Learning Library](#)

Saib daim ntawv teev cov ntsiab lus thiab xaiv lub ntsiab lus uas koj xav tau kev pab. Tom qab ntawd, koj yuav raug coj mus rau seem hauv learning library uas hais txog lub ntsiab lus ntawd, nrog rau cov links mus rau cov lus qhia ua ib kauj ruam zuj zus.

Piv txwv: Ib tug Authorized Agent rau ib lub chaw zov me nyuam uas muaj daim ntawv tso cai tau txais ib tsab email qhia tias lawv yuav tsum tau ua ib yam dab tsi hauv Provider Hub ("action needed"), xws li upload ib daim ntawv los sis kho ib qho yuam kev hauv daim ntawv thov. Lawv xav tau kev ceeb toom txog yuav teb li cas. Yog li ntawd, lawv qhib lawv qhov learning library thiab xaiv qhov **Provider Actions** hauv daim ntawv teev cov ntsiab lus.




Lawv yuav raug coj mus rau seem hauv learning library uas hais txog lub ntsiab lus ntawd. Thaum mus txog qhov ntawd lawm, lawv yuav pom ib qho lus piav qhia txog provider action thiab cov links mus rau ob qho ntaub ntawv ntxiv uas lawv xaiv tau yog xav paub ntxiv.



Kuv qhov learning library nyob qhov twg?

Cov learning library rau daim ntawv tso cai thiab daim ntawv pov thawj muaj links nyob saud no lawm. Koj kuj nrhiav tau lawv nyob hauv seem [Resources section of the Provider Hub webpage](#).



Lus qhia: Ceev koj qhov learning library rau daim ntawv tso cai los sis daim ntawv pov thawj rau hauv koj qhov internet browser kom ua ib qho bookmark uas yuav pab koj nrhiav tau yooj yim thaum koj xav tau kev pab hauv Provider Hub.

[Rov qab mus saud](#)

Cov chaw zov me nyuam: Tau kev pab los thov hloov kho koj lub program hauv Provider Hub

Kev hloov pauv raws caij nyoog feem ntau ua rau cov chaw zov me nyuam hloov lawv cov sij hawm ua hauj lwm thiab cov hnuv nyoog ntawm cov me nyuam uas lawv txais los zov. Xa ib daim ntawv change request hauv Provider Hub mus thov kev pom zoo rau cov kev hloov no los ntawm tus neeg saib xyuas daim ntawv tso cai.

Puas yog tau ntev lawm uas koj tsis tau xa ib daim change request? Nov yog qee cov ntaub ntawv los pab koj kom nco qab dua:

- [Certified Child Care Centers | Request a Change to Your Hours of Operation](#) — hloov kho thaum lub Tsib Hlis!
- [Licensed Child Care Centers | Request a Change to Your Hours of Operation](#)
- [Licensed Child Care Centers | Request a Room Usage Change](#) — suav nrog kev hloov cov hnuv nyoog ntawm cov me nyuam uas raug tso cai siv ib qho chaw uas twb tau pom zoo lawm hauv koj qhov chaw

Xav xa lwm hom change request? Mus saib seem change request hauv koj qhov learning library kom paub ntxiv:

- [Certified Child Care Centers | Certification Learning Library — change requests](#)
- [Licensed Child Care Centers | Licensing Learning Library — change requests](#)



Lus qhia: Xa koj qhov kev thov hloov kho kom ntxov ua ntej hnuv koj xav pib siv qhov kev hloov ntawd. Koj kuj xa tau ib tsab email mus rau koj tus neeg saib xyuas daim ntawv tso cai kom paub tseeb tias lawv tau txais koj daim change request lawm.

Ntau hom change requests yuav tsum tau tus neeg saib xyuas daim ntawv tso cai tshuaj xyuas thiab pom zoo ua ntej koj thiaj li siv tau cov kev hloov tshiab ntawd.

[Rov qab mus saud](#)

Cov uas nyuam qhuav tso tawm

Cov provider uas cuv npe nrog CCAP: Tau txais kev ceeb toom ntxov dua ua ntej yuav tauj dua

Thaum cov provider zov me nyuam yuav tsum tauj lawv qhov kev cuv npe rau Child Care Assistance Program (CCAP), lawv yuav tau txais kev ceeb toom hauv Provider Hub 90 hnuv ua ntej hnuv uas lawv qhov kev cuv npe yuav tas sij hawm.

Peb tau hloov kho qhov no thaum lub Plaub Hlis. Yav dhau los, cov provider tau txais qhov kev ceeb toom 60 hnuv ua ntej hnuv uas lawv qhov kev cuv npe yuav tas sij hawm.


Tau kev pab: Cov provider zov me nyuam tuaj yeem nrhiav kev pab rau kev tauj lawv qhov kev cuv npe CCAP hauv Provider Hub hauv [CCAP Provider User Guide](#). Rub phau ntawv qhia no kom saib tau tag nrho cov ntsiab lus.

[Rov qab mus saud](#)

Cov chaw zov me nyuam uas muaj daim ntawv tso cai: Hloov kho resource link hauv qhov personnel/staff variance request process

Nyob hauv Provider Hub personnel/staff variance request process rau cov chaw zov me nyuam uas muaj daim ntawv tso cai, qhov link mus rau ib qho resource uas piav txog qhov sib txawv ntawm Track 1 thiab Track 2 staff qualification variances tsis ua hauj lwm.

Peb tau kho qhov link ntawd thaum lub Tsib Hlis. Tam sim no, qhov link ntawd coj cov neeg siv mus rau [Staffing requirements for licensed child care centers](#) nyob hauv Department of Children, Youth, and Families (DCYF) lub website.



Tau kev pab: Cov chaw zov me nyuam uas muaj daim ntawv tso cai tuaj yeem nrhiav kev pab txog personnel variance thiab lwm cov ncauj lus hais txog personnel/staff nyob hauv seem [personnel section of the licensing learning library](#).

[Rov qab mus saud](#)

Kawm paub ntiv txog yam uas nyuam qhuav tawm tshiab

Saib cov lus piav qhia txog kev hloov kho tshiab ntawm ob peb lub hlis dhau los kom paub ntiv txog cov kev hloov no thiab lwm yam ntiv:

- [Plaub Hlis 2026](#)
- [Tsib Hlis 2026](#)

Lub Xeev Minnesota feem ntau tso cov kev hloov kho tshiab rau Provider Hub txhua lub as thiv thiab xa cov lus piav qhia txog kev hloov kho tshiab thaum kawg ntawm txhua lub hlis.

Cov lus piav qhia txog kev hloov kho tshiab hauv Provider Hub raug xa mus rau cov neeg siv Provider Hub uas muaj kev nkag Delegated Authority (tsis tas yuav cuv npe). Txhua tus tuaj yeem mus [review the release notes archive](#).

[Rov qab mus saud](#)

Kev pab tshiab thiab hloov kho

Cov chaw zov me nyuam uas muaj daim ntawv pov thawj: Cov lus qhia meej txog kev thov hloov sij hawm ua hauj lwm

Peb tau kho cov lus qhia kom meej dua hauv [Request a Change to Your Hours of Operation](#) rau cov chaw zov me nyuam uas muaj daim ntawv pov thawj.

Peb tau hloov kho cov ntaub ntawv no thaum lub Tsib Hlis tom qab cov neeg siv tau qhia rau peb tias cov lus qhia tsis phim raws li yam cov chaw zov me nyuam uas muaj daim ntawv pov thawj yuav tsum tau ua. Ua tsaug rau nej txoj kev pab peb txhim kho kom zoo dua!

[Rov qab mus saud](#)

Cov chaw zov me nyuam uas muaj daim ntawv pov thawj: Hloov kho cov duab hauv cov ntaub ntawv hais txog kev thov daim ntawv pov thawj tshiab

Lub caij nplooj hlav no, qee feem ntawm daim ntawv thov rau ib lub chaw zov me nyuam uas muaj daim ntawv pov thawj tshiab tau raug hloov kho. Vim li ntawd, peb tau hloov kho cov duab hauv [Apply for a New Certification – Phase 1](#) kom phim raws li yam cov neeg thov tam sim no pom hauv Provider Hub.

[Rov qab mus saud](#)

Hais txog Provider Hub

Provider Hub yog ib qho cuab yeej online rau cov provider uas muab kev pab cuam rau pej xeeb siv los thov thiab tswj cov ntawv tso cai, cov ntawv pov thawj, cov kev pab nyiaj txiag, thiab lwm cov kev pab cuam tsoom fww uas muaj.

Peb tseem txuas ntxiv txhim kho lub cuab yeej online no thiab tsim cov hauj lwm tshiab ntxiv. Thaum peb ua li ntawd, ntau tus provider yuav tau txais kev siv Provider Hub. Mus saib [Provider Hub](#) lub webpage kom paub ntxiv txog cov uas siv tau tam sim no.

Hais txog Provider Hub tsab ntawv xov xwm

Tsab ntawv xov xwm no qhia cov ntaub ntawv dav txog Provider Hub rau cov neeg siv tam sim no, cov neeg uas yuav siv yav tom ntej, thiab lwm tus neeg uas txaus siab. Peb xa Provider Hub tsab ntawv xov xwm tshiab kwv yees li txhua ob lub hlis. [Koj tuaj yeem nrhiav tau cov ntawv xov xwm yav dhau los nyob hauv Provider Hub lub webpage.](#)

Tsab ntawv xov xwm no tsis hloov cov ntaub ntawv uas xa ncaj qha mus rau qee pab neeg tshwj xeeb — xws li cov ntawv ceeb toom rau cov neeg siv Provider Hub tam sim no los sis cov ntaub ntawv qhia kev pib siv rau cov neeg siv yav tom ntej. Peb xa cov ntaub ntawv ntawd nyias txawv nyias.

Qhia tsab ntawv xov xwm no rau lwm tus

Koj puas paub lwm tus neeg uas tej zaum yuav txaus siab tau txais xov xwm txog Provider Hub? Xa tsab email no mus rau lawv thiab txhawb kom lawv [cuv npe txais tsab ntawv xov xwm ncaj qha.](#)

[Rov qab mus saud](#)